

ist, als das hochermelter H. Administrator, da er im [35v] gefängniß über seiner standhaften trew gerathen vnd gantz verlassen gewesen, zur Catholischen religion getretten, vnd bey der Kais. Mt. (so Jhm das Leben vnd lebensmitteln aus gnaden geschencket) in der Stille ohne feindlichkeitt geblieben, vnd noch ist, gleichsam dadurch S. f. D. vnd auch dero nachfolgern ihrer landen, vnd rechters verlustiget worden weren; Das Stallman darüber lamentieret hatt, vnd in mehrem wegen wieder etzlicher grossen Schwedischen vnd Teutsche händel seinen Wiederwillen blicken lassen, daher allein rühre des¹⁷ Haß, vnd das Baner mitt gantzlicher übergehung des H. Statthalters vnd der landtregierung für sich selbst mitt militarischem gewalt den 26. Martij (am grünen donnerstage) Stallmanen, mit fürgeben wie desselben titulus vnd possession nit richtich (ja fr[e]ilich nicht richtich nach seiner Baner Schwedischen, aber doch nach gutt Teutscher manier, intention vnd rechten gantz richtich) gantzlich spolyret, vnd entsetzet, herwieder derselb seine sache zum recht für die Obrigkeit, zum fernern fall der notturft aber auch ahn noch hohers recht vnd gericht, gezogen, gleichwol gegen Baners gewalt, damit gar nichts ausgerichtet, Vnd solchem nach am 10. Aprilis die resolution mitt Kappaunen genommen hat, das er demselben, vnd einem andern, bitliche requisition briefe, so wohl an Banern, als an Esken, zugestellt, vnd wan solche auch nit stracks den effect der restitution erreichten, diesen verlas¹⁸ mit Kappaunen genommen gehapt, daß Hertzoch Wilhelm zu Sachsen als Gen. Lieutenand über alle armeen, so die Konigl. Mt. vnter ihm gehapt, vnd noch ihro gelassen, er vnterthenich zu gemüthe [36r] führen solte vnd wolte, wie Baner seine armée vnd commando nit also, wie sichs gebühret, vnd gekont, zu des Teutschen Vatterlandts, Ja auch zu der Cron Schweden selbst eigenen besten, gebrauchet, sondern zu dero beider nachtheill gemisbrauchet hat, darvon noch nit abstehe, der ReichsStande selbst nicht verschone, vnd sonst den einen hie, den andern da, im landt vnterdrücke, Ob nit solches meritire, vnd S. F. D. als Oberst Commendant bewege, Baners person in versicherung zu nemen, oder das sie S. F. D. in versicherung gebracht, vnd gestellet werde, die mitteln vnd die ordre zugeben? Damit er nit allein für den H. Schweden, sondern auch für den Evangelischen Teutschen vnd Jhren Confœderirten, einen ieder, so wieder Jhm zu sprechen hat, rad vnd antwortt geben, vnd gerecht werden müsse, das KriegsVolck aber ahn S. F. D. gelange; Auf solchen fall sey man zu bedienung desselben anerbietich, vnd wolle den anschlag machen, Das Cappaun zwen tage hernach (am 12. April.) solche seine fürhabende werbung vnd intent, einem vom Banern cassirten Obersten (Platho genandt)¹⁹ auf vorher geleisteten eid der verschwiegenheitt, entdecket, vnd Jhn zur geselschafft²⁰ gebracht, auch ahn Stallman mitt einem creditiv verwiesen, vnd denselben darin gutes erfolgs zu des Vatterlandts diensten vertröstet, baldt aber derselbige Oberste seine geschworne trew gebrochen, vnd Banern das creditiv geliefert, selbiger aber Stallman am 14. Aprilis früh in Fürst Ludwigs zu Anhalt residentz Statt Kothen, eher dan S. F. g. ersuchet weren, mitt einer starcken troupe [36v] reuter plotzlich vnd gewaltsam uberfallen, vnd doch Gott denselben wunderbarlich davon gebracht, Baner auch Kappaunen eilendts auf Weimar nachgesandt, vnd demselben im fürstlichen residentzhause, ohn fürhergangeren bericht vnd ersuchung nachgestellt,